

ԱՊՐԻԼԻ 9-Ը ՎՐԱՍՏԱՆԻ
ԱԶԳԱՅԻՆ ՄԻԱՍՆՈՒԹՅԱՆ ՕՐՆ Է

«ԿԱՐԵՎՈՐԱԳՈՒՅՆ ՆՎԱՃՈՒՄԸ ԱՆԿԱՏՈՒԹՅՈՒՆԸ,
ԵՐԲԵՔ ՏԱՐԱՎՈՒՄԱՆՔԻ ՏԱԿ ԶԻ ԼԻՆԻ»



Վրաստանի համար ապ-
րիլը առանձնակի ամիս է:
1989 թվականի ապրիլի 9-
ին խորհրդային զորքերը
Ռուսթավելու պողոտայում
հեղեցին անկախության հա-
մար պայքարողների ար-
յունը... Պաշտոնական տվ-
յալներով՝ 1989 թվականի
ապրիլի 9-ին Ռուսթավելու
պողոտայի վրա զոհվեց 21
հոգի, որոնցից 16-ը կա-
մայք էին: Ողբերգությունից
ուղիղ երկու տարի անց,

1991 թվականի ապրիլի 9-ին Վրաստանի Գերագույն խորհուրդը հիմն-
վելով 1918 թվականի անկախության ակտի վրա, այդ օրը հռչակեց եւ
վերականգնեց Վրաստանի անկախությունը:
Ավանդության համաձայն, ապրիլի 9-ին հարգանքի տուրք մատուց-
վեց 124-ամյա ողբերգության զոհերի հիշատակին, արժանին մատուց-
վեց 22-ամյա վաղեմության քաղաքական սխրագործության մասնա-
կիցներին:
(Շարունակությունը՝ 2-րդ էջում)

ԱՅՑ

ՎՐԱՍՏԱՆԻ ՆԱԽԱԳԱՆԸ ԹՈՒՐՔԻԱՅՈՒՄ



Ապրիլի 7-ին Վրաս-
տանի նախագահ Միխե-
իլ Սաակաշվիլին աշխա-
տանքային այցով գտն-
վում էր Թուրքիայում:

մաքախչա պալատում,
հանդիպում ունեցավ Թուր-
քիայի վարչապետ Ռեջեփ
Էրդողանի հետ: Հանդիպ-
մանը կողմերը քննարկե-
ցին համատեղ նախագ-
ծեր: Հանդիպման օրա-
կարգում ընդգրկվել էին
նաեւ Թուրքիայի տարած-

Այցի շրջանակներում Վրաստա-
նի նախագահը Ստամբուլում՝ Դոլ-

(Շարունակությունը՝ 3-րդ էջում)

ՄԱՍՆԸ ԱՍՈՒԼԻՄ

ԿԱՌԱՎԱՐՈՒԹՅԱՆ ԱՐԴՅՈՒՆԱՎԵՏ
ԳՈՐԾՈՒՆԵՈՒԹՅՈՒՆԸ ԱՐՏԱՅՈՒՎԵԼՈՒ Է
ՄԱՐԴԿԱՆՅՈՒ ԿՅԱՆՔՈՒՄ

Ապրիլի 11-ին Վրաստանի վարչապետ Բիծինա Իվանիշվիլին հերթական
հանդիպումն անցկացրեց թերթերի խմբագիրների եւ էլեկտրոնային
մամուլի ներկայացուցիչների հետ: Շուրջ երեք ժամ շարունակվող
մամուլ ասուլիսին վարչապետը հանրագումարեց երկրում ընթացող
գործընթացները, պատասխանեց լրագրողների հարցերին:



«ԿԱՌԱՎԱՐՈՒԹՅՈՒՆՈՒՄ
ՓՈՓՈԽՈՒԹՅՈՒՆՆԵՐ ԶԵՆ
ՊԼԱՆԱՎՈՐՎՈՒՄ»

ԶԼՄ-ների ներկայացուցիչների
հետ հանդիպմանը, վարչապետ Բի-
ծինա Իվանիշվիլին հայտարարեց,
որ կառավարությունում փոփոխու-
թյուններ չեն պլանավորվում: Ըստ

նրա, նախարարների այսօրվա կա-
բինետն աշխատում է բավականին
արդյունավետ: Սակայն մի քանի
նախարարությունների կապակցու-
թյամբ գոյություն ունեն հարցեր,
ընդ որում վարչապետը ձեռնպահ
մնաց դրանց հրապարակումից:

(Շարունակությունը՝ 4-րդ էջում)

ՀԱՅԱՍՏԱՆ

ԽՈՍՔԻՑ ԳՈՐԾԻ ԱՆՑՆԵԼՈՒ ԺԱՄԱՆԱԿՆ Է

ԿԱՅԱՅԱՎ ՀԱՅԱՍՏԱՆԻ ՆԱԽԱԳԱՆ ՍԵՐԺ ՍԱՐԳՍՅԱՆԻ ԵՐԴՄՆԱԿԱԼՄԱՆ ՀԱՆԴԻՍՏՎՈՐ ԱՐԱՐՈՂՈՒԹՅՈՒՆԸ

Ապրիլի 9-ին Կարեն Դեմիրճյանի անվան մար-
զահամերգային համալիրում անցկացվեց ընթա-
ցիկ տարվա փետրվարի 18-ին անցկացված նա-
խագահական ընտրությունների արդյունքներով
Հայաստանի նորընտիր նախագահ Սերժ Սարգս-
յանի պաշտոնի ստանձնման նպատակով հրա-
վիրված Ազգային ժողովի հասուկ նիստ:

Հասուկ նիստին ներ-
կա էին շուրջ 2 հազար
հրավիրյալներ աշխար-
հի տարբեր պետություն-
ներից, 60 միջազգային
կազմակերպությունների
ներկայացուցիչներ, դես-
պաններ, տեղական քա-
ղաքական, հասարակա-
կան, մշակութային գոր-
ծիչներ աշխարհասփյուռ
հայկական համայնքնե-
րից: Ազգային ժողովի հա-
տուկ նիստը բացեց Ազ-
գային ժողովի նախագահ
Հովհիկ Աբրահամյանը:
Ներս բերվեց Հայաստա-
նի դրոշը եւ զինանշանը,
Վեհամոր Ավետարանը:
Ազգային ժողովի նա-
խագահը Հայաստանի
նախագահի պարտա-

կանություններն ստանձ-
նելու երդման համար
հրավիրեց Հայաստանի
նորընտիր նախագահ
Սերժ Սարգսյանին: Սերժ
Սարգսյանը երդվեց՝ աջ
ծեռքը դնելով Վեհամոր
Ավետարանի եւ Հայաս-
տանի Սահմանադրու-
թյան վրա:

Հնչեց Հայաստանի
Հանրապետության պե-
տական օրհներգը, որից
հետո Հայրապետական
օրհնանքի խոսք ասաց
Ն.Ս.Օ.Տ.Տ. Գաբեգին Բ Ամե-
նայն Հայոց Կաթողիկոսը:
Այնուհետեւ ելույթ ու-
նեցավ Հայաստանի նա-
խագահ Սերժ Սարգսյանը:
(Շարունակությունը՝ 7-րդ էջում)



«Ստանձնելով Հայաստանի Հանրապետության նախագահի պաշտոնը՝ երդվում եմ. անվերա-
պահորեն կատարել Սահմանադրության պահանջները՝ հարգել մարդու եւ քաղաքացու իրավունք-
ներն ու ազատությունները, ապահովել հանրապետության անկախությունը, տարածքային ամ-
բողջականությունը եւ անվտանգությունը՝ ի փառս Հայաստանի Հանրապետության եւ ի բարօ-
րություն Հայաստանի Հանրապետության ժողովրդի»:

ՎՐԱՍՏԱՆԻ ՊԵՏԱԿԱՆ ՊԱՏՎԻՐԱԿՈՒԹՅՈՒՆԸ ԵՎ ՎԻՐԱՆՑ
ՀԱՄԱՅՆՔԻ ՆԵՐԿԱՅԱՅՈՒՅԻՉՆԵՐԸ ՄԱՍՆԱԿՅԵՅԻՆ ՀԱՅԱՍՏԱՆԻ
ՆԱԽԱԳԱՆԻ ԵՐԴՄՆԱԿԱԼՄԱՆ ԱՐԱՐՈՂՈՒԹՅԱՆԸ

Ապրիլի 9-ին Երեւանում անցկացված Հայաստանի նորընտիր նա-
խագահի երդմնակալման հանդիսավոր արարողությանը մասնակից
շուրջ վեց տասնյակ երկրների պաշտոնական պատվիրակություննե-
րի թվում էր նաեւ Վրաստանի պետական պատվիրակությունը:

Վրաստանի պատվիրակության
կազմում էին Վրաստանի մշակույ-
թի նախարար Գուրամ Օդիշարի-
ան, վերաինտեգրման հարցերով
պետնախարար Պաաստա Զաքա-

րեիշվիլին, Վրաստանի խորհրդա-
րանի պատգամավոր Ռուսլան Պո-
դոսյանը, Վրաստանի նախագահի
խորհրդական Վան Բայբուրջյանը,
Հայաստանում Վրաստանի արտա-

կարգ եւ լիազոր դեսպան Թեմգիզ
Շարմանաշվիլին:

Երդմնակալման արարողությա-
նը Հայաստանի Սփյուռքի նախա-
րարության հրավերով մասնակցե-
ցին նաեւ աշխարհի գրեթե բոլոր
երկրների հայ համայնքների ներ-
կայացուցիչները, այդ թվում՝ նա-
եւ Թբիլիսիի եւ Սամցխե-Ջավախե-
թիի ներկայացուցիչները:

ՎՐԱՍՏԱՆ-ՀԱՅԱՍՏԱՆ

ՄԱՅԱ ՓԱՆԶԻԿԻՁԵԻ ՊԱՇՏՈՆԱԿԱՆ ԱՅՅԸ ՀԱՅԱՍՏԱՆ

Ապրիլի 11-12-ին Վրաստանի արտաքին գործերի նախարար Մայա Փանջիկիձեն, Հայաստանի արտա-
քին գործերի նախարարի պաշտոնակատար Էդվարդ Նալբանդյանի հրավերով, պաշտոնական այցով գտն-
վում էր Երեւանում:

Այցի շրջանակներում Վրաստանի արտաքին գոր-
ծերի գերատեսչության ղեկավարը հանդիպում ունե-
ցավ իր հայ գործընկերի հետ:

Այցի շրջանակներում Մայա Փանջիկիձեն ըն-
դունեցին նաեւ Հայաստանի նախագահ Սերժ Սարգս-
յանը, Ազգային ժողովի նախագահ Հովհիկ Աբրա-
համյանը, վարչապետի պաշտոնակատար Տիգրան
Սարգսյանը:

Հանդիպումներում ընդգծվել են Վրաստանի եւ
Հայաստանի միջեւ ձեւավորված ջերմ հարաբերու-
թյունները եւ նշվել, որ երկու երկրների միջեւ անլու-
ծելի հարցեր չկան: Հայկական կողմը շնորհակալու-
թյուն է հայտնել Վրաստանի կառավարությանը՝ հայ-
կական կողմի բարձրացրած խնդիրներին օպերա-
տիվ արձագանքելու եւ լուծումներ գտնելու համար:

Կողմերն անդրադարձել են գյուղատնտեսության,
տրանսպորտի եւ տնտեսության այլ ճյուղերում հա-

մագործակցությանը, սահմանային անցակետերի ար-
դիականացման ծրագրի ընթացքին, այնտեղ միաս-
նական ծառայությունների մատուցման հնարավորու-
թյանը եւ նոր տեխնոլոգիաների ներդրմանը:

Անդրադառնալով մշակութային ոլորտում համա-
գործակցությանը՝ Վրաստանի ԱԳ նախարարը տեղե-
կացրել է, որ Վրաստանում գտնվող հայկական հուշա-
կոթողների վերականգնման ծրագիրն իրականաց-
վում է հայկական համայնքի մասնակցությամբ:

Կողմերը քննարկել են նաեւ երկու երկրների մի-
ջեւ եւ ԵՄ-ի շրջանակներում տեղի ունեցող ինտեգ-
րացիոն գործընթացներին առնչվող հարցեր:

Վրաստանի արտաքին գործերի նախարար Մա-
յա Փանջիկիձեի գլխավորած պատվիրակությունն
ապրիլի 12-ին այցելեց Ծիծեռնակաբերդ: Մայա Փան-
ջիկիձեն ծաղկեպսակ դրեց Հայոց ցեղասպանության
զոհերի հիշատակը հավերժացնող հուշակոթողին:

ՏԱՐԵԼԻՑ

«ԿԱՐԵՎՈՐԱԳՈՒՅՆ ՆՎԱՃՈՒՄԸ՝ ԱՆԿԱՆՈՒԹՅՈՒՆԸ, ԵՐԲԵՔ ՏԱՐԱԿՈՒՄԱՆՔԻ ՏԱԿ ԶԻ ԼԻՆԻ»

Ապրիլի 9-ին Ռուսթավելու պողոտայում հուշակոթողին պսակներ եւ ծաղիկներ դրեցին ազգային ազատագրական շարժման, ներկայիս իշխանությունների, ընդդիմության ներկայացուցիչները:

Ջոհվածների հիշատակը մեծարեցին Վրաստանի վարչապետ Բիծինա Իվանիշվիլին, խորհրդարանական մեծամասնությունը եւ ընդդիմությունը:

Տարելիցի կապակցությամբ խորհրդարանի շենքում անցկացվեց Վրաստանի անկախության վերականգնմանը նվիրված միջոցառում, որին մասնակցեցին վարչապետ Բիծինա Իվանիշվիլին, խորհրդարանականները, նախագահ Ջվիադ Գամսախուրդիայի ժամանակվա Գերագույն խորհրդի անդամները:

1989 թվականի ապրիլի 9-ին Թբիլիսիում տեղ գտած ողբերգական իրադարձությունների կապակցությամբ Վրաստանի կառավարությունը հանդես եկավ հայտարարությամբ:

Հանդես գալով միջոցառմանը, վարչապետ Բիծինա Իվանիշվիլին հայտարարեց. «Քսաներկու տարի առաջ այս խորհրդարանի նիստերի դահլիճում ստորագրվեց ակտ Վրաստանի անկախության վերականգնման մասին: Դա պատմական իրադարձություն էր եւ որոշումը հավասարազոր եղավ հերոսության... Վրաստանում անցկացվեց հանրաքվե եւ ինչպես վրացիները, այնպես էլ երկրում ապրող մյուս էթնիկական քաղաքացիները միաձայն քվեարկեցին հանուն անկախության վերականգնման եւ մեր երկրի նորագույն պատմության մեջ տեղի ունեցավ կարեւորագույն իրադարձություն: Այս օրը շատ խորհրդանշական է, որովհետեւ այս դահլիճում ներկա են անկախության ակտը ստորագրած մարդիկ: Ցանկանում եմ



Բիծինա Իվանիշվիլին ընտանիքի հետ հուշակոթողին ծաղիկներ դնելիս

նրանց հայտնել իմ խորին հարգանքն այն առթիվ, ինչը նրանց հաջողվեց: Առանձնապես ուզում եմ հարգանքի տուրք հատուցել դրա հեղինակ Ջվիադ Գամսախուրդիայի, ինչպես նաեւ ակտը ստորագրած այն մարդկանց իշխատակին, ովքեր չապրեցին միմեջ եւ այս օրը: Ցանկանում եմ մեկ անգամ եւս ընդգծել, որ 22 տարի առաջ ստորագրվեց կարեւորագույն ակտ եւ դա այն բանի սկիզբն էր, ինչ մենք այսօր ներկայացնում ենք: Տարիների ընթացքում, չնայած ամենատարբեր վտանգներին, ոչ ոք տարակուսանքի տակ չդրեց այդ վիթխարի պատմական իրադարձությունը եւ ապագայում կանենք ամեն ինչ, որպեսզի մեր ամենագլխավոր նվաճումը՝ անկախությունը երբեք կասկածի տակ չդրվի»,- նշեց Իվանիշվիլին:

ԿՐԹՈՒԹՅԱՆ ՆԱԽԱՐԱՐՈՒԹՅՈՒՆ

ԲՈԼՈՐ ԴՊՐՈՑԱԿԱՆՆԵՐԸ ԴԱՍԱԳՐՔԵՐԸ ԿՍՏԱՆԱՆ ԱՆՎՃԱՐ



Վրաստանում պետությունն իր վրա է վերցնում հանրային դպրոցներում սովորողների համար դասագրքեր ձեռք բերելու բոլոր ծախսերը: Այս մասին հայտարարել է կրթության եւ գիտության նախարար Գիորգի Մարգվելաշվիլին:

Ճար միջնակարգ կրթության մասին սահմանադրական պարտավորություն»,- նշեց նա:

Մարգվելաշվիլին ընդգծեց, որ կառավարությունն ամեն տարի որոշակի գումար կհատկացնի դասագրքերի հրատարակության համար:

Սակայն այս նախաձեռնությունն արդեն դժգոհություն է հարուցել հրատարակչական գործի ներկայացուցիչներին: Վերջիններս հայտարարում են, որ դրանով խախտվում է հեղինակային իրավունքի սկզբունքը եւ անուղղելի հարված է հասցվում հրատարակչական գործին:

Նախկինում Վրաստանում դասագրքեր անվճար ստանում էին առաջին դասարանցիները եւ սոցիալապես անապահով ըն-

տանիքների երեխաները: «Տվյալ փուլում ինքը՝ պետությունը կտպագրի դպրոցական դասագրքեր: Մնացած շուկան ազատ է եւ հրատարակիչները կարող են տպագրել ու վաճառել գրքեր»,- նշեց նախարարը՝ հավելելով, որ պետության եւ հրատարակիչների հարաբերությունները կկարգավորի օրենքը:

«Ամեն ինչ կլինի օրենքի շրջանակներում: Մենք հեղինակներին եւ հրատարակիչներին տալիս ենք այն գումարը, որը նախատեսված է օրենքով: Կարծում եմ, որ այդ գումարը ավելի քան բավարար է, սակայն դրանով դասագրքերի թեման չի սպառվում»,- հայտարարեց Մարգվելաշվիլին՝ հավելելով, որ դասագրքերի գների մվազեցման մասին բանակցությունները հրատարակիչների հետ ընթանում էին հինգ ամիս:

ՎՐԱՍՏԱՆ-ԵՎՐԱՄՈՒԹՅՈՒՆ

ԱՍՈՑԻԱՑՄԱՆ ՇՈՒՐՋ ԲԱՆԱԿՑՈՒԹՅՈՒՆՆԵՐԸ ԳՈՐԾՆԱԿԱՆՈՒՄ ԱՎԱՐՏՎԵԼ ԵՆ

Եվրոպական եւ եվրատլանտյան կառույցներին ինտեգրման հարցերով Վրաստանի պետնախարար Ալեքսի Դեմոքիաշվիլին հանդիպում է ունեցել եվրաինտեգրման գծով հասարակական խորհրդականների խորհրդի անդամների հետ:

Հանդիպման քննարկման հիմնական թեման էր ասոցիացման համաձայնագրի մասին Եվրամիության հետ բանակցությունների դինամիկան:

Առաջին փոխարտգործնախարար Դավիթ Ջակվալիանին նշեց, որ բանակցությունները գործնականում ավարտվել են, եւ այժմ կողմերն աշխատում են տեխնիկական մանրամասների ուղղությամբ:

Հանդիպումն անցավ ակտիվ բանավեճերի ռեժիմով, հարցերը հիմնականում վերաբերում էին ասոցիացման մասին համաձայնագրի կիրարկման արարողակարգին եւ ժամկետներին:

Հասարակական խորհրդականների խորհուրդը ստեղծվել է 2005 թվականին եւ նրանում ընդգրկված են ակադեմիական շրջանների, ոչ կառավարական հատվածի, ՋԼՄ-ների ներկայացուցիչներ եւ անկախ փորձագետներ:

ՏԱՐԱԾԱՆԵՐՁԱՆ

ՀԱՅԱՍՏԱՆԻ ԴԵՄՊԱՆԸ ՍԱՄՋԻՆԵ-ՉԱՎԱՆԵԹԻՈՒՄ



Այցելության ընթացքում Հովհաննես Մանուկյանին ուղեկցում էր Հայաստանյայց Առաքելական եկեղեցու Վիրահայոց թեմի առաջնորդ Տեր Վազգեն Եպիսկոպոս Միրզախանյանը:

Հայաստանի դեսպանը Ախալցխեի Սուրբ Գրիգոր Լուսավորիչ եկեղեցում հայ բնակչությանն ուղղված խոսքում շնորհավորեց նախորդ կիրակի օրը տոնված Սուրբ Հայրության տոնի, ինչպես նաեւ ներկա տիկնանց եւ օրիորդներին՝

Ապրիլի 6-ին Վրաստանում Հայաստանի դեսպան Հովհաննես Մանուկյանը հերթական այցելություն է կատարել Սամցխե-Ջավախեթի տարածաշրջան:

Մայրության եւ գեղեցկության տոնի առթիվ:


Ապա Հովհաննես Մանուկյանը մեկնեց Ախալքալաքի, որտեղ Ախալքալաքի եւ Նինոծմիդայի տեղական իշխանությունների հետ համատեղ կազմակերպմամբ հանդիպում ունեցավ Սամցխե-Ջավախեթի տարածաշրջանի հայաբնակ շրջանների հայկական կրթօջախների տնօրենների, ինչպես նաեւ մշակույթի ոլորտի գործիչների հետ:

Հանդիպմանը նա ներկայացրեց հայկրացական միջպետական հարաբերությունների ներկա մակարդակը՝ հատկապես կարեւորելով երկկողմ հարաբերությունները կրթական եւ մշակութային բնագավառում, խոսել դրանց հեռանկարների մասին, անդրադարձել Վրաստանի հայ

համայնքի հիմնախնդիրներին:

Հանդիպման ավարտին Հովհաննես Մանուկյանը Սամցխե-Ջավախեթի տարածաշրջանի մտավորականության, մշակութային եւ կրթական բնագավառի առավել աչքի ընկած եւ վաստակ ունեցող մի շարք գործիչների պարգևատրեց Վրաստանում Հայաստանի դեսպանության պատվոգրերով, շնորհակալագրերով եւ հուշանվերներով:

Դեսպանը փոխանցեց Հայաստանի մշակույթի նախարարության տրամադրած հայալեզու գեղարվեստական գրքեր եւ այլ գրականություն: Գնահատանքի եւ օրինության խոսքով հանդես եկավ Հայ Առաքելական Ուղղափառ եկեղեցու Վիրահայոց թեմի առաջնորդ Տեր Վազգեն Եպիսկոպոս Միրզախանյանը:



ՄԵԾ ԲՐԻՏԱՆԻԱ ՄԱՐԱՑԵԼ Է ՄԱՐԳԱՐԵՏ ԹԵՏՅԵՐԸ

Կյանքից հեռացել է Միացյալ Թագավորության նախկին վարչապետ Մարգարետ Թետչերը: Բարոնուհի Թետչերը մահացել է 87 տարեկան հասակում: Բարոնուհին հանկարծամահ է եղել:

Ինչպես ծշտել է Թետչերի պաշտոնական ներկայացուցիչը՝ լորդ Թիմոթի Բելը, մահվան պատճառ է դարձել ուղեղի կաթվածը: Վերջին տարիներին Թետչերը տառապում էր Ալցհեյմերի հիվանդությունից:

Մարգարետ Թետչերը 1979-1990թթ. եղել է Մեծ Բրիտանիայի վարչապետը եւ ներկայացրել է Պահպանողական կուսակցությունը: Հայտնի է որպես «երկաթյա տիկին»: Առաջին եւ դեռեւս միակ կինը, որն զբաղեցրել է Մեծ Բրիտանիայի վարչապետի պաշտոնը:

Մարգարետ Թետչերի հուղարկավորությունը տեղի կունենա ապրիլի 17-ին:

ԻՐԱՆ ԵՐԿՐԱՇԱՐԺԻ ԱՐԴՅՈՒՆՔՈՒՄ ԿԱՆ ԶՈՂԵՐ ԵՎ ՎԻՐԱՎՈՐՆԵՐ

Իրանի հյուսիս-արեւմտյան հատվածում տեղի ունեցած երկրաշարժերի հետեւանքով տուժել է մի քանի հարյուր մարդ: Երկրաշարժից տուժածների թիվը հասել է 650-ի, իսկ զոհերի թիվը՝ 20-ի:

6,3 եւ 5.4 մագնիտուտ ուժգնությամբ երկրաշարժերի օջախը գտնվել է 10 կիլոմետր խորության վրա: Առաջին ստորգետնյա ցնցումը գրանցվել է Բուշեր քաղաքից 90 կիլոմետր հյուսիս-արեւելք հեռավորության վրա, իսկ երկրորդը՝ 8 կիլոմետր ավելի հեռու: Դրանց հետեւել է երրորդ՝ ավելի թույլ ցնցումը՝ 4,7 մագնիտուտ հզորությամբ:

Իրանում գտնվող միակ ատոմակայանը, որը գտնվում է ցնցումների անմիջական հարեւանությամբ, չի տուժել եւ աշխատում է առանց խոչընդոտների:

ՀԱՐԱՎԱՅԻՆ ԿՈՐԵԱ ԲԱՆԱԿՑԵԼՈՒ ՊԱՏՐԱՍՏԱԿԱՄՈՒԹՅՈՒՆ

Հարավային Կորեայի միավորման գործերի նախարար Լյու Կիլ Ջեն ապրիլի 12-ին կայացած մամուլի ասուլիսում հաստատել է, որ նախօրեին երկրի կառավարությունը Փենյանին առաջարկել է երկխոսություն սկսել:

Փենյանից պաշտոնական ոչ մի արձագանք դեռ չի ստացվել: «ԿԺԴՀ-ի կառավարությունն ստացել է մեր հաղորդագրությունը, եւ մենք սպասում ենք պատասխանի: Եթե պաշտոնական կառուցողական առաջարկություն ստանանք, դրանից հրաժարվել իմաստ չունի»,- հայտարարել է նախարարը: Նա ընդգծել է, որ կառավարության կողմից այդ որոշումն ընդունվել է Կորեական թերակղզու իրադրության կտրուկ վատանալու պայմաններում:

«ՄԵԾ ՈՒԹՅԱԿ» ԿՑՈՒՑԱԴՐՎԻ ՄԱՐԴԱՄԻՐԱԿԱՆ ՕԳՆՈՒԹՅՈՒՆ

«Մեծ ությակի» երկրների ներկայացուցիչները, որոնց հանդիպումը տեղի է ունեցել Մեծ Բրիտանիայի մայրաքաղաք Լոնդոնում, պայմանավորվել են ընդլայնել սիրիացիներին տրամադրվող մարդասիրական օգնության ծավալները: Արտգործնախարարները նշել են, որ ցնցված են Սիրիայում երկու տարի շարունակվող բախումների հետեւանքով զրանցված զոհերի ցուցանիշից եւ սիրիացի փախստականների թվից: Նրանք հայտարարել են նաեւ, որ կշարունակեն աջակցել Սիրիայում իրավիճակի խաղաղ կարգավորմանը:

Հանդիպման ընթացքում «Մեծ ությակի» երկրները քննարկել են նաեւ Հյուսիսսային Կորեայի, Սիրիայի եւ Իրանի վերաբերյալ հարցեր:

Հայտնի է, որ «Մեծ ությակի»-ում ներառված են Մեծ Բրիտանիան, Գերմանիան, Իտալիան, Կանադան, Ռուսաստանը, ԱՄՆ-ը, Ֆրանսիան եւ Ճապոնիան:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԱՅՑ

ՎՐԱՍՏԱՆԻ ՆԱԽԱԳԱՐԸ ԹՈՒՐՔԻԱՅՈՒՄ

(Սկիզբը՝ 1-ին էջում)

քում գտնվող վրացական մշակութային հուշարձանների վերականգնման, ինչպես նաեւ Ախալցխի եւ Ռաբաթի բերդի վերականգնման հետ առնչվող հարցերը:

Վրաստանի նախագահը նախագահական Չանքայ պալատում հանդիպում ունեցավ Թուրքիայի նախագահ Աբդուլահ Գյուլ-

լի հետ: Հանդիպումն անցավ փակ դռների ետեւում: Նրանք առանձնակի ուշադրություն ցուցին համատեղ իրականացվող կարելու նախագծերին:

Նշենք, որ Վրաստանի նախագահի մամուլ ծառայության հաղորդման համաձայն, Սաակաշվիլին, անցած կիրակի օրը, հեծանվով մարզվելիս ուսի եռակի կոտրվածք է ստացել եւ վիրահատվել է: «Ընդհանուր

անզգայացմամբ վիրահատությունը տեւել է մի քանի ժամ: Նախագահին վիրահատել է թուրք պրոֆեսոր Մեհմետ Դեմիրխանը: Վիրաբույժներն ուղը ֆիքսել են մետաղական ներդիրներով: Վերքի վրա բժիշկներն ստիպված են եղել դնել 40 կար»,- ասված է հաղորդագրության մեջ: Նախագահը հոսպիտալում երկու օր անցկացրել է ինտենսիվ բուժման պայմաններում:

ԱՊՐԻԼԻ 14-Ը՝ ՎՐԱՑ ԼԵՉՎԻ ՕՐ

«ԴԵՂԱ ԷՆԱՆ»՝ ՈՉ ՆՅՈՒԹԱԿԱՆ ՀՈՒՇԱՐՁԱՆ

Ապրիլի 14-ին Վրաստանը նշում է վրաց լեզվի՝ «Դեղա էնա»-ի օրը:

Տոնի կապակցությամբ ծրագրվում է անցկացնել Իսկոբ Գոգերաշվիլու «Դեղա էնա» դասագրքին ոչ

մյուսական հուշածանի կարգավիճակ շնորհելու շնորհանդեսը: Միջոցառմանը կմասնակցեն պաշ-

տոնական անձինք, հասարակայնության ներկայացուցիչներ:

Ավանդական այդ տոնի առթիվ ազգային փոքրամասնությունները, այդ թվում նաեւ վիրահայ

համայնքը, իրենց հերթին յուրատեսակ հաշվետվություն են ներկայացնում պետական լեզվի ուսուցման գործում ձեռք բերած նվաճումների մասին:



ՀԱՄԱԳՈՐԾԱԿՑՈՒԹՅՈՒՆ

ՀԱՆԴԻՊՈՒՄՆԵՐ ԿԱՌԱՎԱՐԱԿԱՆ ԳՐԱՍԵՆՅԱԿՈՒՄ

Վրաստանի վարչապետ Բիժինա Իվանիշվիլին Թբիլիսիում հանդիպումներ ունեցավ Սյուվակիայի արտաքին գործերի նախարար Միրոսլավ Լայչենկի, Չեխիայի արտգործնախարարության ղեկավար Կարել Շվարցենբերգի, Եվրոպայում ԱՄՆ գործերի իրաւանատար Ջեյմս Ստալդիդիսի եւ ԱՄՆ պետնախարարի երկրորդ տեղակալ Էրիկ Ռուբինի հետ:

Երկկողմ հանդիպումների ընթացքում քննարկվեցին երկրների հարաբերությունները, դրանց խորացման ուղիները:

Ստալդիդիսի հետ հանդիպմանը օրակարգում Աֆղանստանում, խաղաղարար ուժերի կազմում վրաց զինվորականների



մասնակցության հարցն էր:

Վարչապետն Էրիկ Ռուբինի հետ քննարկեց հարաբերությունների խորացումը՝ Վրաստանի եւ ԱՄՆ-ի ռազմավարական համագործակցության խարտիայի շրջանակներում:

ԲԱՐՁՐԱԳՈՒՅՆ ԿՐԹՈՒԹՅՈՒՆ

ՕՐԵՆՔՈՒՄ ԿԱՏԱՐՎՈՒՄ ԵՆ ՈՒՂՈՒՄՆԵՐ

Վրաստանի կրթության նախարարության իրավական ապահովման ղեկարտամենտից հաղորդել են, որ բարձրագույն կրթության մասին օրենքում կատարվում են ուղղումներ:

Օրինագիծը սահմանում է այն անձանց շրջանակը, ով իրավունք կունենա առանց միասնական ազգային քննություններ հանձնելու շարունակել ուսումը բուհերում, ինչպես նաեւ անցնել վրաց լեզվի նախապատրաստական կրթական ծրագիրը:

Օրինագծի համաձայն՝ առանց միասնական ազգային քննություններ հանձնելու, բուհերում սովորելու իրավունք ունեն օտարերկրյա պետությունների քաղաքացիները եւ քաղաքացիություն չունեցող այն անձինք, ովքեր լրիվ կամ ընդհանուր կրթություն են ստացել արտասահմանում: Տվյալ կանոնը վերաբերում է նաեւ Վրաստանի այն քաղաքացիներին, ովքեր լրիվ

կամ դրան համարժեք կրթություն են ստացել արտասահմանում եւ վերջին երկու տարվա ընթացքում սովորել են արտասահմանում: Այդ իրավունքից օգտվում են այն անձինք, ովքեր սովորում են այդ երկրում ճանաչված բարձրագույն ուսումնական հաստատությունում եւ վարկեր են ստացել արտասահմանյան երկրում:

Ըստ օրենսդրության, կառավարությունը իրավագոր կլինի սահմանելու օտարերկրյա քաղաքացիների ֆինանսավորման չափը եւ ուսման պայմանները՝ միջազգային համաձայնագրերի հիման վրա կամ ըստ հատուկ պետական ծրագրի:

ՔՐԵԱԿԱՆ



խախտումներին: «Դա մեր խնդիրն է եւ մենք բնակչությանը պետք է ցույց տանք իր շրջանակները եւ ճիշտ ուղին»,- նշեց Ղարիբաշ-

ԿՐԿԵԱԶԱՆՅԱԳՈՐԾՈՒԹՅԱՆ ՀԱՄԱՐ՝ ԽԻՍՏ ՊԱՏԻԺ

Վրաստանի պարեկային ոստիկանությունն աշխատում է արդյունավետ եւ բոլոր իրավազանցները, առանց բացառության, կենթարկվեն պատասխանատվության:

Այս մասին հայտարարեց ՆԳ նախարար Իրակլի Ղարիբաշվիլին՝ հանդիպում ունենալով լրագրողների հետ: Նա հավելեց, որ պարեկային ոստիկանությունը կարծազանքի բոլոր

վիլին, միաժամանակ ընդգծելով, որ պարեկային ոստիկանությունն աշխատում է արդյունավետ եւ արդյունավետ է արձագանքում բոլոր իրավախախտումներին:

Նախարարը լայնամասշտաբ համաձայնագրերի քննարկությունից ազատված բոլոր անձանց զգուշացրեց, որ կրկնահանգագործություն կատարելու դեպքում նրանք կպատժվեն օրենքի ամենայն խստությամբ: «Ես նրանց խորհուրդ չեմ տալիս վերադառնալ բանտ»,- հանդիպման ընթացքում հայտարարեց Ղարիբաշվիլին:

ՎԱՐԿԱՆԻՇ

ԿԵՆՍԱԹՈՇԱԿԱՌՈՒՆԵՐԻ ԲԱՐԵԿԵՑՈՒԹՅԱՆ ԻՆԴԵՔՍՈՎ ՎՐԱՍՏԱՆԸ 89-ՐԴ ՏԵՂՈՒՄ Է, ԻՍԿ ՀԱՅԱՍՏԱՆԸ՝ 80-ՐԴ

Միջազգային Natix Global Asset Management (NGAM) կազմակերպությունը հրապարակել է կենսաթոշակառուների բարեկեցության 2013 թվականի ինդեքսը համաշխարհային մասշտաբով: Վարկանիշում ընդգրկված է 150 երկիր:


Ինչպես պարզաբանում են կազմակերպության ուսումնասիրողները, աշխատելով վարկանիշի ուղղությամբ, իրենք ղեկավարվել են մի քանի չափանիշերով, այդ թվում՝ կենսաթոշակառուների համար առողջապահության մատչելիությունը, կենսաթոշակառուների նյութական բարեկեցության մակար-

դակը, կենսաթոշակառուների կենսամակարդակը եւ եկամուտը:

Վարկանիշում Վրաստանը գրավել է 89-րդ տեղը, ինչը ամենավատար արդյունքներից մեկն է ետխորհրդային տարածքում: Խորհրդային Միության նախկին երկրներից Վրաստանն առաջ է անցել միայն Ադրբեյջանից (մույն-

պես 89-րդ տեղը), Ուզբեկստանից՝ 105, Տաջիկստանից՝ 117 եւ Թուրքմենստանից՝ 142: Ռուսաստանը զբաղեցրել է 70-րդ տեղը, Ուկրաինան՝ 72, Հայաստանը՝ 80, Ղրղզստանը՝ 78, Մոլդովան՝ 76, Ղազախստանը՝ 66, Լիտվան՝ 38, Բելոռուսը՝ 47, Լատվիան՝ 65, Էստոնիան՝ 43:

Վարկանիշում առաջատարը Նորվեգիան է, երկրորդ տեղում Շվեյցարիան, երրորդը՝ Լյուքսեմբուրգը: Վերջին տեղում հայտնվել է Ջիմբաբվեն: Հիշեցնենք, որ, այսօրվա դրությամբ, կենսաթոշակի միջին չափը Վրաստանում 125 լարի է:



ՆԱԽԱԳԱՐԻ ԱՇԽԱՍԱՆՔԱՅԻՆ ԱՅՑԸ ԼԵՅԱՍԱՆ

Վրաստանի նախագահ Միխեիլ Սաակաշվիլին, ապրիլի 11-12-ը, աշխատանքային այցով գտնվում էր Լեհաստանում: Ինչպես հաղորդել են վրացական պետության ղեկավարի վարչակազմից, երկօրյա այցի շրջանակներում Միխեիլ Սաակաշվիլին հանդիպեց Լեհաստանի նախագահ Բրոնիսլավ Կոմարովսկու հետ:

Վրաստանի նախագահը Վարշավայում ելույթ ունեցավ եվրոպական քոլեջի ուսանողների առջև, ապա մասնակցեց Վրաստանի անկախության պատվին կազմակերպված ընդունելությանը:

ԽՈՐՀՐԴԱՏՎՈՒԹՅՈՒՆՆԵՐ ԶՈՐԱՅԱՆԴԵՍԻ ՀԱՐՑՈՎ

Վրաստանի վարչապետ Բիժինա Իվանիշվիլին ապրիլի 12-ին կառավարության անդամների հետ անցկացրեց խորհրդատվություններ հետեւյալի առթիվ՝ մայիսի 26-ին՝ Անկախության օրը, անցկացնել՝ զորահանդես, թե՞ ոչ:

Ըստ կառավարող թիմի, գոյություն ունեցող ձեւաչափով զորահանդես անցկացնելն անընդունելի է եւ այն պետք է փոխել:

Խորհրդարանական փոքրամասնության անդամ Նոդար Ծիկլաուրին գտնում է, որ տոնական միջոցառումներին բանակի մասնակցությունը պարտադիր է: Նրա կարծիքով, զորահանդեսի ձեւաչափի փոփոխումը կունենա քաղաքական պատճառաբանություններ:

ԱԳՐՈՎԱՐԿԵՐԸ՝ ԳՈՐԾՈՂՈՒԹՅԱՆ ՄԵՋ

Գյուղատնտեսության նախարար Դավիթ Կիրվալիձեն հայտարարել է, որ սակավահող ֆերմերներին աջակցելու ծրագիրն աշխատում է հաջողությամբ: Նա տեղեկացրել է, որ Արեւելյան Վրաստանում, փաստորեն, ավարտվել են գյուղատնտեսական աշխատանքները եւ գյուղտնիքների մի մասն արդեն փոխադրվել է Արեւմտյան Վրաստան:

Ըստ նախարարի, ակտիվ է ընթանում վարկերի հանձնումը՝ արտոնյալ ագրովարկերի նախագծի շրջանակներում. ծրագրի երկրորդ խմբում, որը նախատեսում է վարկեր՝ 5 հազարից մինչեւ 100 հազար լարի, արդեն տրվել է 18 վարկ: Ինչ վերաբերում է երրորդին, որով նախատեսված է ձեռնարկությունների ֆինանսավորումը, ապա այստեղ տրված է մեկ վարկ:

«ԲՈՐԺՈՄԻ»-Ն՝ ՌՈՒՄԱԿԱՆ ՇՈՒԿԱՅՈՒՄ

«Բորժոմի» հանքային ջրին թույլատրված է վերադառնալ ռուսական շուկա: Այդ մասին հայտնել է Ռոսպոտրեբնադորի ղեկավար Գեմադի Օնիշչենկոն:

«Բորժոմի»-ն զրանցված է մթերքների ռուսաստանյան ռեեստրում, եւ թույլատրված է նրա մուտքը ռուսական շուկա»,- նշել է նա:

Խոսելով՝ Վրաստանի այն արտադրողների մասին, որոնք ձգտում են վերադառնալ Ռուսաստանի շուկա, Օնիշչենկոն ասել է. «Սա երրորդ ֆիրման է, գինու երկու ֆիրմաներ արդեն թույլտվություն ստացել են, այժմ դրանց միացավ «Բորժոմի»-ն»:

ՄԱՐԴԱՅԱՄԱՐ. ՀԱՍՏԱՏՎԵՑ ԾՐԱԳԻՐԸ

2014 թվականին Վրաստանում կանցկացվի ընդհանուր մարդահամար: Ինչպես հաղորդել են Վրաստանի վարչապետի մամուլ ծառայությունից, այդ որոշումն ընդունվել է վարչապետ Բիժինա Իվանիշվիլու գլխավորած հատուկ հանձնաժողովի նիստում:

Հանձնաժողովն արդեն քննարկել է հաստատել է 2014 թվականին անցկացվելիք մարդահամարի ծրագիրը:

2000 թվականի մարդահամարի տվյալներով, Վրաստանում ապրում էր 4,5 միլիոն մարդ:

ՄԱՍԼՈ ԱՍՈՒԼԻՍ

ԿԱՌԱՎԱՐՈՒԹՅԱՆ ԱՐԴՅՈՒՆԱՎԵՏ ԳՈՐԾՈՒՆԵՈՒԹՅՈՒՆԸ ԱՐՏԱՅՈՒՎԵԼՈՒ Է ՄԱՐԴԱՆՅՈՒ ԿՅԱՆՔՈՒՄ

(Սկիզբը՝ 1-ին էջում)

«Բոլոր նախարարները մնում են իրենց տեղում, անձամբ են ունեն հարցեր եւ աշխատում են դրանք լուծել ներքին կարգով: Նախարարություններից մեկի առնչությամբ առկա են ավելի մեծ թվով հարցեր, քան հարկավոր է, սակայն դրանք էլ ժամանակին կիրառարակվեն»,- նշեց Իվանիշվիլին:

ՀԱՐՅԵՐԻ ՀԱՆՐԱՊԵՏՈՒԹՅԱՆ ԴԱՏԱՐԱՆԻ ԿՈՅՆ

Վրաստանի վարչապետ Բիծինա Իվանիշվիլին, ՋԼՄ-ների ներկայացուցիչների հետ հանդիպմանը, հայտարարեց, որ ինքը երկրի նախագահին եւ նրա թիմին կոչ է անում դադարեցնել տարբեր հարցերի չարարկումը:

Ըստ վարչապետի, նախագահը զրկվեց շատ լիազորություններից, բայց, միեւնույն է, օգտվում է մեծ իրավունքներից: Նրա պարզաբանումների համաձայն, պետության առաջին դեմքը վերստին կարող է ցրել կառավարությունը եւ խորհրդարանը եւ միայն դրանից հետո հարցնել ժողովրդի կարծիքը:

«Նրանք չարարկում են նաեւ դատական համակարգում իրականացված փոփոխությունները: Դրանք համաձայնեցված են Վեներտիկի հանձնաժողովի հետ: Չնայած դրան, փորձում են ցույց տալ, թե մենք իբր խորտակում ենք համակարգը»,- հայտարարեց վարչապետը:

Անդրադառնալով ապրիլի 19-ին հանրահավաք անցկացնելու մասին «ազգայինների» կոչին, վարչապետը խնդրում է ապրիլի 19-ին փողոց դուրս չգալ այն քաղաքացիներին, ովքեր «չեն հասկանում Մերաքիշվիլու անհասկանալի եվրոպական արժեքները», ընդամենն նա հայտարարեց, թե ոչ ոք թող չհամարձակվի դիմակայել նրանց: Սակայն, ինչպես ասել է նա, միակ վտանգը կարող է լինել այն, որ հենց իրենք՝ «ազգայինները» երկու կողմերից էլ կբերեն մարդկանց եւ իրենք էլ կիրահրեն սադրանք:

ՕԳՈՍՏՈՍՅԱՆ ԴԱՏԵՐԱԶՄԻ ՀԵՏԱՔՆՆՈՒՄԸ Ո՞՞՞ՍԵՎԻՆ ԳԻ ՎԵՍՄԻ

Վրաստանի վարչապետ Բիծինա Իվանիշվիլին համարում է, որ 2008 թվականի օգոստոսյան պատերազմի հանգամանքների հետաքննությունը չի վնասի ո՛չ Վրաստանի, ո՛չ նախկին կառավարության, ո՛չ էլ նախագահ Սաակաշվիլու իմիջին: Վարչապետն այսպես է մեկնաբանել արդարադատության նախարար Թեա Շուլուկիանու հայտարարությունն այն մասին, որ սկսվել է քննություն օգոստոսյան պատերազմի առնչությամբ, եւ հնարավոր է հարցաքննվեն նախագահ Սաակաշվիլին եւ մյուս բարձրաստիճան չինովնիկները:

«...Կարծում եմ, որ պատերազմի թեման պատված է մառախուղով: Ես գտնում եմ, որ մենք պետք է գիտենանք օբյեկտիվ փաստերն ու ճշմարտությունը: Մեր առօրյա կյանքը պետք է հիմնվի իրականության վրա... Միանգամայն համապատասխան կլինի, եթե նախագահն ու կառավարությունը հրավիրեն միջազգային մոնիտորինգ եւ դիտորդների: Հասարակայնությունը պետք է տեղյակ լինի ճշմարտությանը: Թայյալվիլինի հանձնաժողովի եզրակացության մեջ գրված է, որ այդ պատերազմի մասին եվրոպան ունի արժանահավատ տեղեկատվություն, սակայն Վրաստանում տարածվում է միանգամայն այլ բան»,- հայտարարեց Իվանիշվիլին:

ՎԱՐՉԱՊԵՏԻ ՄԱՍԼՈ ԱՍՈՒԼԻՍԻ ԱՐՉԱԳԱՆՔԸ**ՆԱԽԱԳԱՆԸ ՀԵՐՔԵԼ Է ՕԳՈՍՏՈՍՅԱՆ ԴԵՊԵՐԻ ՀԵՏ ԿԱՊԱՄՎԱՐՉԱՊԵՏԻ ՀԱՅՏԱՐԱՐՈՒԹՅՈՒՆԸ**

Վրաստանի նախագահ Միխեիլ Սաակաշվիլին հերքել է վարչապետ Բիծինա Իվանիշվիլու ապրիլի 11-ին անցկացրած մամուլ առուկիտում հնչած բոլոր մեղադրանքները՝ կապված 2008 թվականի ռուս-վրացական պատերազմի հետ, իբր պատերազմն սկսելու մեջ կա Վրաստանի մեղքը եւ հրաժարվել է համագործակցել այդ գործով հետաքննություն իրականացնող մարմնի հետ:

Վրաստանի նախագահն այս կապակցությամբ հատուկ հայտարարությամբ հանդես է եկել Լեհաստանում, բրիֆինգի ժամանակ, Լեհաստանի նախագահ Բրոնիսլավ Կոմորովսկիի հետ հանդիպումից հետո:

«Ուզում եմ բոլորին հիշեցնել, որ Թբիլիսիի վրա դեռեւս ծածանվում է վրացական հինգ խաչանի դրոշը եւ այդ դրոշը կարող են պոկել միայն վրացիները»,- ասել է Սաակաշվիլին եւ հավելել. «Այսօր Վրաստանն ունի կառավարություն, որը հայտարարում է, որ Վրաստանն է սկսել առաջին ռազմական գործողությունները, դրանով, ըստ էության,

քան, հաղթաբեր տալով ագրեսորին»:

«Այսօր մենք ունենք կառավարություն, եւ ես նման նախադեպ չգիտեմ այլ երկրների մոտ առկա պատմության մեջ, որը պատրաստվում է հետաքննել եւ պատժել նախկին իշխանությանը այն բանի համար, որ նախկին իշխանությունն իր տարածքում հատուկ գործողություն է իրականացրել անջատողականների դեմ, այն մարդկանց դեմ, ովքեր պայքարել են Վրաստանի անկախության եւ միասնության դեմ»,- հայտարարել է Սաակաշվիլին ու հավելել. «Եկեք այսօր այնպես չանցնեք, որպեսզի ամեն տեսակ մոտորյա օբյեկտների ձեռքով Վրաստանն իր ձեռքով թշնամու հանձնի իր անկախության բանալիները, անձամբ իջեցնի Վրաստանի հինգ խաչանի դրոշը եւ հրաժարվի ազատությունից եւ Վրաստանի անկախությունից»:

«Ես որպես նախագահ, ամենայն պատասխանատվությամբ հայտարարում եմ, որ սահմանազատվում եմ վարչապետի այն հայտարարություններից, որ ռազմական գործողություններ սկսելը եղել է Վրաստանի մեղքով: Ես որպես Վրաստանի քաղաքացի եւ նախագահ ոչ մի վայրկյան չեմ համագոր-

ծակցի այդ հակապետական հետաքննության հետ, որի վերջնական նպատակը Վրաստանի պետականությունը վարկաբեկելն է»,- ամփոփել է Վրաստանի նախագահը:

ԹԻՆԱ ԽԻՂԱՇԵԼԻ. «ՄՆՊԱՅՄԱՆ ՀԱՐԿԱՎՈՐ Է ՀԵՏԱՔՆՆԵԼ»

Խորհրդարանական մեծամասնության անդամ Թինա Խիղաշելին պարտադիր է համարում 2008 թվականի օգոստոսյան պատերազմի հետաքննությունը: Որպես փաստարկ նա նշում է 2008 թվականին տեղի ունեցած բնակչության էթնիկական զտումը, վրաց բնակչության արտաքսումը իրենց տներին:

«Հարկավոր են ապացույցներ այն մարդկանց մեղքի վերաբերյալ, ով դա արել է: Մենք նրանց կպատժենք, թե ոչ, երկրորդ հարցն է»:

Վրաստանի գլխավոր դատախազ Արչիլ Կրիշաշվիլին ապրիլի 11-ին հայտարարեց հատուկ քննչական խմբի ստեղծման մասին, որն զբաղվելու է 2008 թվականի օգոստոսյան պատերազմի իրավական ասպեկտների հետաքննությամբ: Վրաստանի արդարադատության նախարար Թեա Շուլուկիանին

հայտնել կրթության նախարար Գիորգի Մարգվելաշվիլուն՝ դպրոցական դասագրքերն անվճար դարձնելու նախաձեռնության համար:

Նա հայտարարեց, որ դա մեծ նվեր էր իր համար, քանի որ այն վիթխարի արտոնություն կլինի ծնողների 90 տոկոսի համար:

Իվանիշվիլին նշեց, որ տարածաշրջաններում կայացած հանդիպումներում իրեն տված երեք հարցերից մեկը վերաբերում էր դասագրքերին:

«Առնվազն 600 հազար ընտանիքների համար դա կլինի մեծ արտոնություն: Դրա համար շնորհակալություն Գիորգի Մարգվելաշվիլուն»,- հայտարարեց վարչապետը՝ հավելելով, որ կրթության նախարարը իրեն ներկայացրել է միայն մի պայման, այն է՝ դասագրքերը տպագրել վրացական տպարաններում:

ՀԱՄԱՆԵՐԴՐՈՒՄՅՈՒՆ ՖՈՒԴԻ ՄԱՍԻՆ

Վրաստանի վարչապետ Բիծինա Իվանիշվիլին հայտարարեց, որ համաճեղքման ֆուդը կունենա 3 միլիարդ դոլար:

«Մենք ամում ենք ամեն ինչ, որպեսզի Վրաստանում բարելավվի ներդրումների մթնոլորտը: Ես բնակչությանը հիշեցնում եմ, որ զալիք տարի նա պետք է զգա նոր կառավարության տնտեսական քաղաքականության արդյունքները, իսկ երրորդ տարին պետք է լինի լավ: Չեմ թաքցնում, ես նույնպես ապրումներ ունեմ, քանի որ գոյություն չունի ստույգ բանաձեւ, որ դա այդպես կլինի: Ես ձգտում եմ, որպեսզի շատ հետաքրքիր եւ հայտնի գործարարներ մասնակցեն համաճեղքման ֆուդի կապիտալի կազմավորմանը: Դրան կարող են մասնակցել նաեւ տեղացիները: Գործարարությանն անհրաժեշտ է կայուն քաղաքական եւ տնտեսական միջավայր եւ մենք կհասնենք դրան: Մեզ անում գոյություն ունի 16 տոկոսանոց համալիր հարկ եւ այդ ասպարեզում մեզանից առաջ են միայն Սինգապուրը եւ մի քանի կղզիներ: Դա շատ ցածր ցուցանիշ է: Իմ խնդրանքով Սաակաշվիլին ձեռնարկեց մի քանի ճիշտ տնտեսական քայլեր, սակայն այն ամենը, ինչ հետեւեց դրան, արժեզրկեց ամբողջը: Այսօր այդ քայլերը դարձյալ ստանում են արժեք»,- նշեց Իվանիշվիլին:

ԲԻՅԻՆԱ ԻՎԱՆԻՇՎԻԼԻՆ ՈՂՑՈՒՆՈՒՄ Է ԵՐՐՈՐԴ ՔԱՐԱՔԱՎԱՆ ՈՒԺԻ ԵՐԵՎԱՆ ԳԱՆԸ

Վրաստանի վարչապետն ունի մեծ ցանկություն, որպեսզի երկրում երեւան գա երրորդ քաղաքական ուժը:

«Գոյություն ունեն կուսակցություններ, որոնց հետ ես հանդիպում եմ եւ դա չեմ թաքցնում: Հանդիպել եմ Սալոմե Ջուրաբիշվիլու հետ: Ինչ վերաբերում է նախագահության թեկնածուներին, ապա ցանկություն կարող եմ ունենալ շատերը, բայց այդ հարցը պետք է քննարկվի կոալիցիայի ներսում»,- նշեց վարչապետը:

Նա հաղորդեց, որ երրորդ ուժի կապակցությամբ ինքը գրուցել է Սալոմե Ջուրաբիշվիլու եւ Իրմա Ինաշվիլու հետ եւ նրանց ասել, թե իրենք ունեն կուսակցություններ, որոնք պետք է զարգանան եւ ակտիվանան: Նա նաեւ Նիկո Բուրջանաձեին է ասել, լավ կլինի, եթե նրա շարժումն ակտիվանա:

«Ես չեմ բացառում, որ մոտակա ապագայում տեղի կունենա նոր կուսակցությունների աշխուժացում: Ինչ վերաբերում է Ազգային շարժմանը, ապա նրա վերացումն իմ ցանկությունը չէ»,- հայտարարեց Իվանիշվիլին:

ավելի վաղ արդեն հաղորդել է, որ Վրաստանի նախագահը կարող է հարցաքննվել օգոստոսյան պատերազմի գործով:

ՄԱՆԱՆԱ ԿՈՐԱԽԻՉԵ. «ՎԱՐՉԱՊԵՏԻ ՀԱՅՏԱՐԱՐՈՒԹՅՈՒՆԸ ՈՌՈՍԱՍՏԱՆԻՆ ԳԻ ԱՐԴԱՐԱՅՆՈՒՄ»

Վրաստանի խորհրդարանի փոխստանակ Մանանա Կորախիձեի կարծիքով, վարչապետ Բիծինա Իվանիշվիլու հայտարարությունը չի նշանակում այն բանի ճանաչում, որ Ռուսաստանն իրավացի է: Սույնը նա նշել է ՌԴ ԱԳՆ ղեկավար Սերգեյ Լավրովի հայտարարությունը մեկնաբանելիս, երբ նա ողջունեց Ռուսաստանի նկատմամբ Վրաստանի նոր կառավարության դիրքորոշումը:

«Իհարկե, Լավրովի իրավունքն է իր կարծիքն ունենալ Սաակաշվիլու եւ նոր իշխանության մասին, սակայն մենք կողմնորոշված չված չենք այն ուղղությամբ, թե նա ինչ կասի, ինչ կամի, այլ կողմնորոշված ենք Վրաստանի շահերով... Ռուսաստանն իրականացրեց ագրեսիա Վրաստանի տարածքում, զինագրավեց այն եւ այս հարցի առիթով ոչ ոք չի վիճում»: